

CUSSEGL GROND

Sessiun da zercladur 2023

Incumbensa Degiacomi concernent ina purschida da plazs che correspunda als basegns en la pedagogia speziala

En las respostas a las dumondas Claus e Dietrich mussa la Regenza, ch'il basegn cumprovà da plazs en la pedagogia speziala separativa n'è actualmain betg cuvri per 14 uffants. Tenor las indicaziuns dals purtaders da scola existan en il fratemp plirs uffants cun impediments en il Grischun, che na pon betg pli vegnir scolarisads. Il dretg fundamental da furmaziun e d'ina promoziun adequata manca ad els. Da quai pateschan considerablmain ils uffants pertutgads, lur famiglias, dentant er lur conscolaras e conscolars sco er las persunas d'instrucziun e l'entir sistem da scola al lieu. Resguardà stoi vegnir, ch'en blers cas passa vaira bler temp fin ch'in status correspondent po vegnir attribui. Quai perquai, ch'il process e la lavur cun las persunas responsablas per l'educaziun dumondan bler temp.

Ina situaziun sumegliantmain precara exista per uffants cun cumportaments problematic. En la gronda part da las regiuns mancan plazs adattads en scolas spezialas e na sa laschan betg realisar a la svelta classas da time-out. Il chantun en collavuraziun cun las scolas spezialas e cun ils purtaders da scola ston meglierar questa situaziun.

En la risposta a la dumonda Dietrich empermetta la Regenza, che – sin l'onn da scola 2023/2024 – duain vegnir stgaffids temporarmain plazs supplementars per uffants cun impediments. Ils barats cun il cusseglier guvernativ competent, cun represchentantas e represchentants da l'Uffizi per la scola populara ed il sport sco er cun instituziuns da la scola speziala han mussà, ch'ins dastga spetgar plazs supplementars pir per l'avust 2024. Ina incumbensa per meglierar la situaziun a lunga vista n'è er betg vegnida surdada fin ussa.

Per indemnizar las mesiras da la scola regulara che surpassan las contribuziuns ch'èn previsas tenor Lescha da scola, na datti – tenor la risposta da la Regenza – nagina basa legala.

I sto vegnir constatà, ch'il Departament d'educaziun, cultura e protecziun da l'ambient dal chantun Grischun n'è betg bun d'establi il stadi legal per la scolarisaziun e per la promoziun d'uffants cun impediments.

La Regenza vegn incumbensada:

1. da prender las mesiras adattadas a curta, a media ed a lunga vista per garantir da tut temp ina purschida che correspunda als basegns da la pedagogia speziala integrativa e separativa per uffants cun impediments;
2. da garantir, che uffants e giuvenils cun impediments e cun in basegn cumprovà da scola speziala separativa survegnian, sche pussaivel entaifer in quartal, in plaz correspondent en ina instituziun da la scola speziala e ch'in plaz als saja garantì per in nov onn da scola;
3. da preschentar al Cussegl grond in sboz da lescha per indemnizar las mesiras ch'il purtaders da la scola regulara, sche talas èn necessarias, prendan per surmuntar il temp da spetga per in plaz en la scola speziala separativa.

Claustra, ils 15 da zercladur 2023

Degiacomi, Favre Accola, Claus, Adank, Altmann, Atanes, Bachmann, Bardill, Bärtsch, Baselgia, Bavier, Beeli, Biert, Binkert, Bischof, Bisculm Jörg, Bleuler-Jenny, Brandenburger, Bundi, Butzerin, Cahenzli-Philipp (Vaz Sut), Censi, Cola Casaulta, Cortesi, Danuser (Cuir), Danuser (Cazas), Della Cà, Dietrich, Dürler, Epp, Furger, Gansner, Gartmann-Albin, Gort, Grass, Gredig, Heini, Hoch, Hofmann, Hohl, Holzinger-Loretz, Hug, Jochum, Kaiser, Kappeler, Kienz, Kohler, Krättli, Kreiliger, Kuoni, Lehner, Loepfe, Maissen, Mani, Mazzetta, Menghini-Inauen, Messmer-Blumer, Metzger, Michael (Castasegna), Müller, Oesch, Perl, Peter, Preisig, Rageth, Rettich, Righetti, Rodigari, Roffler, Rusch Nigg, Rutishauser, Said Bucher, Salis, Saratz Cazin, Sgier, Spagnolatti, Stiffler, Stocker, Tanner, Thür-Suter, von Ballmoos, von Tschärner, Walser, Widmer, Wieland, Wilhelm, Zanetti (Sent)